

ԳՐԱԿԱՆ—ԲԱՆԱՍԻՐԱԿԱՆ

ՔԵԶ ԵՄ ՍԻՐՈՒՄ



Ե.Զ եմ սիրում, քեզ եմ սիրում,
Սեղմում եմ քեզ մոլեգին՝
Ժաղկահասակ իմ գրկին.
Քնար է սիրտս, եւ լարերին
Սէրն է քախում անընդհատ,
Սէրը չքնաղ, անարատ:

Տուէք, ճերմակ հրեշտակներ,
Ձեր երկնային քնարն ինձ.
Շրթներիս վրայ դրոշմեցէք
Ձեր սաղմոսները անքիծ,
Որ նորածիլ երգեմ սրտիս
Բաքախումները աշխոյժ —
Ձեր անպատում մեղեդիով,
Մեղեդիովը անոյշ:

Ապուշ կրթած ու զարմացած
Թող քնութիւնն ինձ լսէ,
Արձազանգը թող երգերիս
Երկրի չորս կողմը հնչէ.
Թող հմայուած արշալոյսն ու
Վերջալոյսն ինձ լուսնան
Ժամանչներով ոսկեման:

Ինչո՞ւ լուռ ես, ինչո՞ւ լուռ ես,
Ի՞մ պաշտելի դիցունհի,
Որին ժպիտն ընծայ քերին
Հրեշտակները ոսկի.



Բայց շրթներդ չնաշխարհիկ
Եւ զերդ մուսայ հոգեշունչ
Յարիւր երգիս՝ ախորժելի
Քո երգերից մի մըմունջ:

Թող համբուրեմ, թող համբուրեմ
Բերանդ, որից ծորում ես
Սիրոյ մեղրը, մեղրը անոյշ,
Որով շուրթըս ցօղում ես,—
Ինչպէս զեփիւն է համբուրում
Իր շնչովը սիրային՝
Վարդը քնքոյշ, զարնային:

Թող համբուրեմ, թող համբուրեմ
Աչերդ, որոնք սփռում են
Կենդանացած իմ հոգու մէջ
Երկնի շողեր լուսեղէն.
Եւ նախանձով թող դիտեն իմ
Երանաւետ այս վիճակ՝
Ոսկեպսակ արքաները
Երկրագնդի բովանդակ:

Քեզ եմ սիրում, քեզ եմ սիրում,
Սեղմում եմ քեզ մոլեգին
Ժաղկահասակ իմ գոկին.
Հոգիս քոյն է եւ այդ քոյնում
Սէրն է ապրում անարատ,
Որ հրճուանքով իր սպիտակ
Բախում թելերն անընդհատ:

Հեղ. ՏԻԿ. Կ. Լ. ՊՐԷՎԷՋ ԻՈՏԻՍ.

Թարգմ. յունարէնից՝
ՄԵՍՐՈՊ. Վ. ՄԱԶՍՈՒԴԵԱՆՅ